




Don Juan siteēta

Deych Uje Nishii Laabo

Pishpaabo, watsakilo, naka ishtorya meytii its waa ishtorya uje de Genesis kapitulo 3. Eyok poruwo Adán hōr Eva oshiyokōr uje mihñkkite. Ōr itso wir boshesho.



Shi tibiye uje hnakirbich deni uje ijo
or osiyer. Ese hnakirbich ich samur pisht
leyho hn nishii or biyen. Shish shiyor
shanka par tii oposo hn par tii or
ishuwo. Shi ye duhu latik faltehe orpe.
Kahnir pisht leyjo. Dihlak, uje otsakaha
fwegit wire ich chiimiya or. Shuu
otsakaha lekich hn sakit or. Tatim or
kuche iluu hn tatim or uje ire sahmuro
pisht or. iHuk, abichukpa ese hnakirbich!



Deych yetkite ich sata ire ìbìhiita par hno ihi hāre wahacha wārhiit. Ich tìbii leyjo hn tatim ōr umo ōr ìm:

— Ich ye amsahalo wat eyok dichipita yejì tomsahahna hn tokomo uje wir hāre uje sentii wichi jotsik ebich sehe kay. Hārt sohmata de uje sem nanime uje ìhnīro chichew. Sehe purho heke ye amasahalo. Lok olak yeēk tāraha hnīmich purho hn nīmchaha olak yeēk dichipita. — Om sole:


— Ēhe, ēhe, papa ye oyomsahape.



De eseeni ich ese hnakirbich hno ii hīre para nishii wate ire dichipita. Uje ich hnooko uu erze wir ire ijo olota hōr uu wir duhu pikihnino. Ich otsakis ire hn oshuu hnohmet chuk ire. Uje chish ōriki ich san ōr par ishim ōr tuuka. Ich olota, olota hn uje ehn olotaka ich ōr ihyēt yet im ōr sole:

— Kata akis olakilo wahacha ese olak dichipta hn shi takis yo lika hnetihle ehēt. — Hn ese leshibich shakarc im sole:

— No, ye ōryok pwele oyomsahachispe yeji ōryok deych sahirn



ōryokiki. Umo ōryokiki im: <Ye amsahalo. Yeji wir hāre uje sentii wichi jotsit ebich sehe kay.> Heke ōryok deych hno ii hāre uje para nishii ōryok dichipita. — Hn ese ōr ihyēt im ōr sole:

—Ye kaype. Ese eych shi tola de balte. ¿Je ye dirahape uje olak jiroj? Amsahalo. ¿Inaap heke uhulo olak koytiiyo? Boŋilo. Akislo olak wahacha. Awriit terēt ese uje chuk eyokilo. —



De eseeni ohno otsakis ire dichipita.
 Omasaha dichipita hn oshiyeru uhurrza.
 Oyem ese uje chuk ōr. Ehn ōr owich om.
 Ehn ōr owich om. Ehn ōr owich om.

Hn de eseeni ich pasa uje ōr deych
 tatim ōr. Ichii ephelak hn asa hārta
 purhoko hn chimichehe ōr dich etet.
 Loskaabo wishi otabitehe diche etet,
 īrhīr ōr irhe. Shī otabitehe jotsit etet.
 Sehe otokole shī ye ōr pwelpe. Shī oyerh
 hn otibich.



Ese ōr ihyēt dale ōr. Teychim ōr hn shī yana. Tibii uu duhu bosheshaabo par otēret oteychim ōr uje otabitehe diche. Nos oloter loskaabo wishī hn shī ye latik losīr ōr para diyuhu ōr irehichis. Shī otsakahachis oyerh. Opook. Wisik, wisik ich ōr deych taācha. Umo uje boshesho otutūrichis ese wich dichipita. Chunt wir leyjo uje oyerh hn dale ōr. Boshesht yet umo uje terēt hn sole:

—!Obii! Ōr deych yehe terēt.— Ich nos ooshi okārehe lekityo, odale lahuwe. Oymihī loskaabo wishī dichipita ehet.



Erze boshesho uje ochunt uje ōr
 deych taācha ich otolpo yeji ochiraha uje
 oshiyokōr uje mīhnik. Ich otola yeji
 ochiraha uje ōr deych tyenij sepyēr ōr.
 Ich opook uje ōr mīhne hn ōr ishuwo
 ichāraho ich ethatroj. Sehe olakis ire
 mahn shi ye kasirish. Ye onahmūro
 okeytikēr deych petik mahn ochiraha uje
 shi ire uje pwele chiyuhu ōr irehichis.
 Nos wir ōr ihyēre yewo ye olosir ōrpe.
 Oloter ōr hn oymihī ōr ese jotsit ehēt.
 Mahn ōr deych ich shish sosir ōr.




De eseeni ich or deych taācha. Chiyuhu ōr. Sepyēr ōr hn shuu ochii lesa. Ōr ire sehe odish deych ahir. Sehe omasaha ese wich ōr deych ihyuch mahn ye ōr pwelepe. Yeji ich ōr mīhne. Uje ōr itsorz shi ye ōr deych pwele nihmiya ōrpe. Ni par teychim ōr shi ye da gustpe. Yeji shi teychim ese diche uje chish ōr eeyo. Par olebuhu deych ahirpo ich shish tyenij otisoho hn tyenij onūrhu ōr ishuwo. Mahn shi ye ōr jamontikish hn shi ye ōr hnotirish par otiya.



De eseekite ese őr deych sosır őr.
 Hno tii jamont. Ich hnoy őr sey őr
 wahacha onoota hn shuu otisoho. őr lata
 chūrhu uu őr ishuwo hn sitiisihi deeych.
 Uje shīraka ichii shuu oyāha lasuwopo
 hn otseyhi.

Ich olebuhu ye ahirpo hn ese dīhlak
 ich chimīya őrpo.



Porrosht itsi wichi hnakirbich uje
nishii leyjo. Nos chibite uu kuche uje

eyok poruwo ōr nisitakite. Ye duhu latik
seyhi ōr. Sahmūr ōr hn kahnīr ōr heke
shuu sorz. Shi kuchit sohmirā de uje
sarhim ōrkite. Sarhim ōr waa pohorrza
uje shuu ochiraha uje om hn uje māhnik.
Porrosht wichi uu Os Ihyosirc heke ĩre
deresho de par tatim oso wir kuche uje
sehe duhu onihyokōr. Por waa Biblya
Porrosht yeshi tatim eyok ahlo uje sehe
duhu yihyokōrno. Tyenij yērno Porrosht
yehe shi ĩre sohmirā uje chiraha uje om
par eyoklo.




Kirēhe eyok poruwo onihyokōrkite uje Porrosht tatim ōr shi latik tew ōr petik. Mahn ye onihyokōrpe. Satanás sehnyēr eyok porulate. Chii Porrosht kushiyakīhi. Tatim Eva uje par tew wat ee nehe shi ye tope. Heke Eva kree wich Satanás hn tew. Satanás ye nehnyēr Adanpe. Shi Adán shuu lehet kata hn tew toy. Heke ōr osiyer oshiyokōr uje mihnikkite. Ōr eyuwo mihnūwo masaha hn ye ihirle opook hn otola Porrosht.

Je Satanás hōr demonyo yewo oyanakite uje omo uje eyok poruwo otola Porrosht hn otsakis ire. Satanás shi ye losir osope. Sahnūr uje oshiyokōr uje mīhnik par Porrosht sepyēr ōr. Sahnūro

uje ochii Porrosht namahaha toy yehe
chiraha uje owich de uje tyenij Porrosht
sepyēr namaho nehe. Ese owich iich otsii
urhuuta bahuuta uje its lagunta.

Porrosht sepyēr eyok poruwokite,
chibite ōr losiriyo. Shuu otokolehe asa
shakirra uje ehn olebuhu. Mahn ahnii
sepyēr ōrkite shi ye nōympish ōrpe.
Yeshi sahmūr ōr heke. Sehe duhu ōr
owich omihī lahirpo. Mahn kuche
mihnūwo de ōr. Porrosht sitak uu kuche
mihnūwo heke ahnii sahmūro eyok
poruwo shi ye pwele duhu olakaha
lahirpe. Eyok poruwo ye ōr pwele
onihyokōr natik petik par chiyuhu ese
kuche mihnūwo uje de ōr hn ye ōr pwele
oloshi ōr hnitew uje de Porrosht ahir.
Eyok poruwo shi ōr itso wir boshesho
uje ōr mīhne mahn ye ōr hnotirish par
otii jamon.






Yirehelo uje Porrosht wich Os Yosirsirc. Porrosht chibite iluutakite par ishi eyok poruwo or hntew par shuu or owich omihi lahirpo. Porrosht tatim eyok poruwo uje tyenij shuu hnakirbich taach nehe uje tyenij tooho or par ishi or hntew uje de ahir. Eyok poruwo otihmiya ese hnakirbich ahnii ehn ye odirehepe ije shi yeekpo ese uje Porrosht eyucha hn je shi latik nehe hn taacha?

Yirehelo uje Jesus wich ese hnakirbich uje Porrosht eyuchakite. Uje taachkite hn tooho waa krus ich ishi eyok poruwo or hntew hn ishi eyok hntew toy. Uje kuche mihnūwo masaha eyok poruwokite ichii noshehe or aabo toy nehech terihi eyok ahlo. Ye latik

chihī ele hñimich eeych uje yelijj
nihyokōr uje mñhnik. Heke Jesús, uje ye
nihyokōr natik pettikite uje mñhnik ichii
shuu Porrosht sepyēr ire par ye lepyēr
eyokpe. Toohe eyokkite hn ishi eyok
hñitew uje de Porrosht ahir. Awra nos
wir uje ōr kree uje ire ishi eyok
hñitewkite ichii Porrosht churhū ōr
hñitew hn chii ōr leyhoho. Par otoy nehe
o par Porrosht taāch nehe ich ōr pwele
olebuhu Porrosht ahir yehe Porrosht
churhū ōr hñitew.



Porrosht sahmūr uje nos oso uje ode nāhu ĩrmo otĩmiya Jesús. Uje otĩhmiya Jesús ich oshiyokōr uje Porrosht tatim oso par oshiyokōr. Mahn uje ye onahmūr otĩhmiya Jesuspe, uje shĩ otĩmiya nenĩmiyo shĩ ye Porrosht pwele duhu olakaha lahirpe yehe yeshĩ ōr hñitew de ahĩr. Ehmiyalo Jesús ele ahle. Ye uhulo Satanás nehnyēr olak par olak kree uje ĩluuta yata de uje pwele shuu olak owich omĩhĩ Porrosht nehe. Shĩ Jesús sohmirā uje shuu oso owich omĩhĩ Porrosht yehe ĩre uje ĩshĩ ōr hñitew.



Misión a Nuevas Tribus

Paraguay

1994